

# 卷二十一

書名 大唐六典三  
十卷 正德  
十年序重刊  
本  
撰者 唐 玄宗李  
隆基 御撰，  
唐 李林甫等 奉敕注  
卷 卷二十一  
內容分類 史·職官·官制·唐  
索書號 史部·職官·官制·1  
編號 B3405000

[彩色首頁](#)

[東洋文化研究所漢籍目錄 編號: B3405000](#)

[東洋文化研究所漢籍目錄所藏漢籍善本文影像資料庫 索書號: 史部·職官·官制·1](#)

[漢籍善本文影像資料庫文本 大唐六典三十卷 正德十年序重刊本](#)

[版權所有: 東京大學 東洋文化研究所](#)

[使用上的注意事項](#)

大唐六典三公尚書都省卷第一

御撰

集賢院學士兵部掌書兼中書令修國史王桂國開國公李林甫等奉



三師三公尚書都省卷第一  
人人人 人人人

大唐六典太府寺卷第二十

大唐六典國子監卷第二十一

御撰

集賢院學士部尚書無字書令脩國史上柱國開國公臣李林甫等奉  
敕注上

國子監

祭酒一人

司業二人

丞一人

主簿一人

錄事一人

府七人

史十三人



亭長六人

掌固八人

國子博士二人

助教二人

學生三百人

典學四人

廟幹二人

掌固四人

太學博士三人

助教三人

學生五百人

典學四人

掌固六人

四門博士三人

助教三人

學生五百人

俊士八百人

典學四人

掌固六人

國子直講四人

大成十人

律學博士一人

助教一人

學生五十人

典學二人

書學博士二人

學生三十人

典學二人

算學博士二人

學生三十人

典學二人

國子監祭酒一人從三品周禮師氏以三德三行教

遊于弟學焉又保氏養國子以道教之六藝謂禮樂

射御書數漢官儀云漢置博士以道教之六藝謂禮樂

後漢以博士聰明有威重者一人為祭酒一人秩六百石

名曰祭酒者凡燕饗必尊者以酒祭先故曰祭酒

徐廣曰古人名具饗則賓中長者舉酒祭地亦有先也

魏因之晉武帝立國子學置祭酒一人晉令曰祭酒

博士當為訓範總統學中衆事傳暢諸公讚云裴頠

為國子祭酒奏立國子太學起講堂築門闕刻石寫

五經百官志祭酒曰朝服介憤進賢兩梁冠佩水蒼

玉官品第一東晉及宋齊並同梁置國子祭酒一人

班第後魏初第四品上太和二十二年增為從第三

品北齊改為國子寺祭酒一人從三品後周闕隋初

國子學祭酒太常從三品開皇十三年復置國子

祭酒元年置國子一人皇朝因之龍朔二年改為國子

監依舊置祭酒一人皇朝因之龍朔二年改為國子

成咸亨中復舊况元元年改為成均監祭酒神龍元

年復舊

司業一人從四品下禮記曰樂正司業父師司成秦

業一人從四品皇朝因之龍朔二年改為

少司成咸亨中復舊垂拱中增置二人

國子祭酒司業之職掌邦國儒學訓導之政令有六  
學焉一曰國子二曰太學三曰四門四曰律學五曰  
書學六曰算學凡春秋二分之月上下釋奠于先聖  
孔宣父以先師顏回配七十二弟子及先儒二十二



賢從祀焉。舊令唯祀十哲。及二十二賢。開元八年。勅列曾參於十哲之次。并七十一子。並許從祀。其名歷已具於祠部。祭以太牢。樂用登歌。軒縣六佾之舞。若

與大祭祀相遇。則改用中丁。祭酒為初獻。司業為亞

獻。博士為終獻。若皇太子釋奠。則贊相禮儀。祭酒為

之亞獻。皇帝視學。皇太子監胄。則執經講義焉。凡釋

奠之日。則集諸生執經論議。奏請京文武七品以上

清官。並與觀焉。凡教授之經。以周易尚書周禮儀禮

禮記毛詩春秋左氏傳公羊傳。穀梁傳各為一經。孝

經論語老子學者兼習之。諸教授正業。周易鄭玄注。二禮。毛詩。鄭玄注。左傳。服虔注。尚書。孔安國注。公羊。何休注。穀

梁。范審注。論語。鄭玄注。何晏注。孝經。老子。河上公注。其禮記。左

傳。為大經。毛詩。周禮。儀禮。為中經。周易。尚書。公羊。穀

梁。為小經。每歲終考其學官訓導功業之多少。而為之殿

最。

丞。一人。從六品下。隋大業三年。置國子丞三人。從六品。皇朝省置一人。

主簿。一人。從七品下。北齊國子寺置主簿一人。隋置一人。皇朝因之。

錄事。一人。從九品下。北齊國子寺有錄事。皇朝因之。

丞掌判監事。凡六學生。每歲有業成上于監者。以其

業與司業祭酒試之。明經帖經口試策經義進士帖

一中經。試雜文策時務徵事。其明法明書算亦各試

所習業。登第者。白祭酒上于尚書禮部。其試法皆依

口試。明經帖經限通八已上。明法明書皆通九已上。

主簿掌印。勾檢監事。凡六學生有不率師教者。則舉

而免之。其類三年下第。九年在學。及律生六年無成

者。亦如之。假違程限。及作樂雜戲。亦同。唯彈琴習射不禁。

錄事掌受事發辰

國子博士二人正五品上漢書百官表云博士秦官也掌通古今秩比六百石

負多至數十人武帝置五經博士宣帝稍增負十二人漢儀云文帝博士七十餘人為待詔博士朝服玄

端章甫冠司馬彪百官志云博士十九人咸寧四年立

統大學博士祭酒晉初置博士十九人咸寧四年立

國子學置國子博士一人晉官品第六介幘兩梁冠

服佩同祭酒宋齊無所改作梁置國子博士二人為

九班陳品第四秩千石後魏初國子博士從五品上

太和二十二年增為第五品比齊置國子博士五人

三年置國子監博士一人正五品皇朝增置二人

助教二人從六品上晉武帝初立國子學置助教十五

晉孝武損為十人宋齊並同梁班第二陳品第八秩

六百石後魏第七品北齊置十人品同後魏隋初置

國子助教五人從七品下大業三年減置一人皇朝增置二人

國子博士掌教文武官三品已上及國公子孫從二

品已上曾孫之為生者五分其經以為之業習周禮

儀禮禮記毛詩春秋左氏傳每經各六十人餘經亦

兼習之習孝經論語限一年業成尚書春秋公羊穀

梁各一年半周易毛詩周禮儀禮各二年禮記左氏

春秋各三年其生初入置束帛一筐酒一壺脩一案

號為束脩之禮其習經有暇者命習隸書并國語說

文字林三蒼爾雅每旬前一日則試其所習業試讀

千言內試一帖試講者每二千言內問義有能通兩經已上求出仕者則上于監堪秀才進士

一條總試三條通一及全不通罰每歲其生者亦如之

助教掌佐博士分經以教授焉

典學掌抄錄課業

廟幹掌灑掃學廟



太學博士三人正六品上。東晉元帝增置國子博士十六人謂之太學博士。品

八品同國子博士。梁置太學博士八人。班第二。陳品第

七品北齊國子寺有太學博士十人。從第七。品第

五品大業三年置國子。唯立太學。置博士五人。從五

品。大業三年置國子。唯立太學。置博士五人。從五

助教三人從七品上。後魏置太學助教八品中。北

從第九品下。後周置太學助教上士六人。三命。隋初

太學博士掌教文武官五品已上及郡縣公子孫從

三品曾孫之為生者五分其經以為之業每經各百

人其束脩之禮督課試舉如國子博士之法。

助教已下並掌同國子。

四門博士三人正七品上。後魏書劉芳表云。太和二

置學。按禮記云。天子設四學。鄭玄注。周四郊之虞庠也。今以其遠。故置於四門。請移與太學同處。從之。後魏百官志。四門博士第九品。北齊置二十人。正九品上。後周闕。隋置五人。從八品上。皇朝減置三人。加

助教三人從八品上。北齊國子寺有四門助教二十

品下。皇朝因置三人。

四門博士掌教文武官七品已上及侯伯子男子之

為生者若庶人子為俊士生者。禮記王制曰。命鄉論

上。司徒論。選士之秀者升之學。曰俊士。隋書志曰。舊

國子學處士以貴賤。梁武帝欲招來後進。五館生皆

取寒門俊才。不拘自。分經同太學。其束脩之禮督課

試舉同國子博士之法。

助教已下掌同國子。

直講四人。皇朝初置。無員數。長安四年始。直講掌佐

定為四員。俸祿賜會同直官例。

博士助教之職專以經術講授而已。

大成十人。皇朝置取貢舉及第人考功簡聰明者試書曰誦得一千言并口試策試所謂業等十條通七然後補充仍授散官俸祿賜會同直官例給初置二十人開元二十年減十人。

大成通四經業成上於尚書吏部試登第者加一階放選其不第則習業如初每三年一試若九年無成則免大成從常調。

律學博士一人從八品下。晉百官志廷尉官屬有律博士員晉刑法志曰備觀

奏請置律學博士轉相教授東晉宋齊並同梁天監四年廷尉官屬置博士律博士位視員外郎第三班陳律博士秩六百石品第八後魏初律博士第六品太和二十二年為第九品上北齊大理寺官屬有律博士四人第九品上隋大理寺官屬有律博士八人正九品上皇朝省置一人移屬國學。

助教一人從九品上。皇朝置之。

律學博士掌教文武官八品已下及庶人子之為生

者以律令為專業格式法例亦兼習之其束脩之禮

督課試舉如三館博士之法。

助教掌佐博士之職如三館助教之法。

書學博士二人從九品下。代本蒼頡作書周禮保氏

司農云象形會意轉注處事啟借諧聲也古謂之小學漢書食貨志曰八歲入小學學字六甲五方書計之事晉衛恒字勢芳曰昔皇帝有沮誦蒼頡始作書契蓋觀鳥跡以興思也秦壞古文有八體一曰大篆二曰小篆三曰刻符四曰蟲書五曰篆書六曰署書七曰殳書八曰奇字九曰篆書十曰隸書十一曰繆篆十二曰古文十三曰奇字十四曰篆書十五曰繆篆十六曰鳥書十七曰殳書十八曰奇字十九曰篆書二十曰繆篆二十一曰加置二十二人。

書學博士掌教文武官八品已下及庶人子之為生

者以石經說文字林為專業餘字書亦兼習之石經

三體書限三年業成說文二年字林一年其束脩之



禮督課試舉如三館博士之法。

算學博士二人。從九品下。代本。錄首造數。周禮。保氏。九章也。一曰方田。二曰粟米。三曰差分。四曰少廣。五曰商功。六曰均輸。七曰方程。八曰贏不足。九曰旁要。

漢書律歷志曰。數者一十百千萬。所以算數事物也。小學是則。職在太史。義和掌之。魏晉已來。多在史官。不列於國學。隋置算學博士一人。

人。從九品下。皇朝增置二人。

算學博士掌教文武官八品已下及庶人子之為生

者。二分其經以為之業。習九章海島孫子五曹張丘

建夏侯陽周髀十有五人。習綴術緝古十有五人。其

記遺三等數亦兼習之。孫子五曹共限一年業成。九

章海島共三年。張丘建夏侯陽各一年。周髀五經算

共一年。綴術四年。緝古一年。其束脩之禮。督課試舉

如三館博士之法。

大唐六典國子監卷第二十一



中央研究院  
圖書印

卷三





